



Sondagskool 2

Lestitel: Christus praat oor sy wederkoms

'n Ouerhandleiding

Sondagskooltuisonderrig



Liewe Ouer

Welkom by die les “**Christus praat oor sy wederkoms**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Christus praat oor sy wederkoms
Bybelwoord	Mattheus 24: 1 – 46
Lesdoelwit	Die kinders leer dat Jesus Christus sal terugkeer en dat dit die doel van ons geloof is om op daardie dag gereed en waardig te wees.

Lesopsomming:

Jesus Christus sal terugkeer - dit is 'n kernverklaring van die evangelie.

In sy afskeid het Jesus Christus aan sy apostels die belofte van sy wederkoms gegee. “En as Ek gegaan en vir julle plek berei het, kom Ek weer en sal julle na My toe neem, sodat julle ook kan wees waar Ek is.”

In hierdie belangrike bron van hoop vir die toekoms, versterk die Here die belofte van sy wederkoms herhaaldelik, openbaar Hy die vordering van die verlossingsgeskiedenis en gee Hy sodoende insig aangaande sy toekomstige optrede.

Geen mens of engel nie, maar slegs God alleen weet die dag of die uur van Jesus Christus se wederkoms. Christus sê herhaaldelik dat ons waaksaam moet wees. Deur die gelykenisse het die Seun van God dit duidelik gemaak dat 'n mens te alle tye waaksaam moet wees in die geloof en op sy wederkoms wag.

Ons moet daarom ons lewens in lyn bring met die evangelie van Jesus Christus en ons dus voorberei op sy wederkoms en die ewige lewe met Hom.

Wat beteken hierdie les vandag vir ons?

- Terwyl ons in hoop wag op die dag van die eerste opstanding, moet ons onself voorberei. Dit word gedoen deur getroue Christene te wees en te leef volgens die evangelie wat Jesus Christus ons geleer het.
- Om by hierdie geleentheid deur Hom aanvaar te word, is die doel van die geloof van Nuwe Apostoliese Christene. Ons sal oorwinnaars wees.
- Hoe goed is dit nie om te weet, dat ons as gevolg van ons getrouheid, ewige gemeenskap met God sal hê?
- Ons moet dus waaksaam wees en bid dat God die tyd verkort en sy Seun Jesus Christus stuur om ons te kom haal.



Sommige vrae wat ons kan vra:

Vraag: wanneer dink jy sal God Jesus Christus stuur om ons almal te kom haal?

Antwoord: Geen mens of engel nie, maar slegs God alleen weet die dag of die uur van Jesus Christus se wederkoms.

Vraag: Hoe kan ons ons voorberei op Jesus Christus se wederkoms?

Antwoord: Ons moet God bo alles liefhê, en ons naaste soos onself. Ons moet die evangelie en belering van Christus navolg – soos dit deur ons ouers, diensknegte en Sondagskoolonderwysers geleer word.

Vraag: Sien jy daarna uit om ewige gemeenskap met God te hê, indien wel, waarom?

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.